

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,*

QUOD LIBETARIIS DISPUTATIONIBUS

manè discutienda in Scholis Medicorum, die jovis vigesimâ tertîâ
mensis Novembris, anno Domini M. DCC. LXIX.

M. FRANCISCO-MARIA LEMOINE,

Doctore Medico, Præsîde.

*An in curandis affectibus, qui puerperarum suppressis prioribus Lochiis superveniunt,
sola Antiphlogistica?*

I.



NATURAM masculorum benignam matrem, sævam
verò fœminarum novercam, non immeritò dictam
olim fuisse accepimus: his etenim ingeniî vim corpo-
risque robur largiri non tantum amavit, sed eos
etiâ sedula, quantum potuit, immunes à morbis
præstare studuit; illas ità comparavit e contrariò ut imbecillum
debili in corpore animum gererent, atque easdè innumeris fèrè
voluit morbis obnoxias; mittas enim varia, quæ sobolescent ma-
la à menstruis purgationibus pravè se habentibus, quot & quanta
gravidarum, parturientium aut puerperarum capiti imminent
accidentia! Compertum observationibus volunt tertiam fermè
mulierum partem horum sævitiâ de medio tolli; verùm nulla, ut
frequentiora, sic & atrociora sunt illis quæ priorum lochiorum
suppressioni natales debent.

Quæ post partum per muliebria fiunt evacuationes, illæ Lochia
audiunt; & duplicis præsertim sunt generis: aliæ enim statim à
partu fluere incipiunt & rubræ sive sanguineæ appellari solent,
quod reipsâ earum materies nil aliud sit præter ipsummet sangui-
nem modò pauciori, modò copiosiori lymphâ dilutum; aliæ di-
cuntur albæ ratione coloris quem referunt, aut secundariæ ex eo
quod prioribus succedant. Ad perfectam autem uteri restitutio-
nem etsi conferant ambæ; majoris tamen momenti priores esse
posteriores meritò dixeris: his carere absque imminenti vitæ
periculo nulli puerperarum licet; plures verò videas non ità rarò
quibus posteriorum usurâ frui non conceditur, quæ tamen vitam
imò & sanitatem servant incolumem.

* M. ANTONIO PÉTTIT, Theskos Autore 1759.

Cùm semel ab uteri parte intimâ soluta fuit placenta atque foras pulsâ sunt secundinæ, maxima vis sanguinis puri atque facilè concrecentis erumpit; hanc fundunt hiantia vasculorum ostia, quorum cum placentæ valis antea inosculatorum ope utriusque partis mutuum instituebatur commercium; sensim autem sine sensu manantis copia cruoris minuitur, atque ille solutus magis apparet, ac tandem lymphæ rarioribus onustæ purpureis particulis atque idèò dilutè admodum rubescenti locum facit: cujus mutationis in causâ est prompta & expedita post infantis & secundinarum expulsionem uteri contractio, quâ tubulorum stringuntur oscula fitque ut rubris, crassioribus nempe moleculis denegetur aditus, liber concedatur lymphaticis, quas subtiliores esse in confesso est apud omnes: prout verò plus minusvè temporis in suâ contractione absolvendâ infumunt uterinæ fibræ, prima citius cessant Lochia, longiusvè protrahuntur: hinc in quibusdam accidit puerperis ut elapsis post partum non ita multis horis terminum accipiant illa, quæ in aliis ad tertium usque diem & ultrâ producuntur; igitur versus tertiî huiusce diei finem nova solet oriri rerum series, eaque supervenit febris, quæ à lacte in motum actò nomen sibi fecit: dum autem illa viget multoque lacte cum doloris sensu non exiguo tument mammaræ, cessat ut plurimum omnis per genitalia humorum effluxus, rarò in illis rediturus sæminis, quæ dulcissimo naturæ obsequentes imperio, piam venerabundæ nutriendo infanti operam navare non dubitant; sed qui fermè semper tritum relegit iter, ac de novo muliebria inundat in istis, quibus æs triplex circa pectus, & quæ bonorum indignatione dignæ, vile, proh pudor! & indecorum sibi fingunt, quem sinu exceperunt suo atque per novem menses foverunt, hunc in lucem emissum proprio lacte nutrire; quod barbaræ gentes excogitare erubescerent: quod ipsæmet exhorrescerent feræ, hoc sibi vitio verti posse non autumat quidem mulier ad bonos humanioresque mores aliundè composita; verùm serius ociusvè pœnas ab illâ repetere fatagit natura atque mille morbis suam ulciscitur injuriam, à quibus immunes victuras nutrices esse statuit. Re quidem verâ duobus à partu primis diebus fors cunctas manet eadem: sanguineam etenim omnes experiuntur evacuationem, & illa casu multiplici potest in omnibus suppressi, quod ut accidit semel, morbi nascuntur atrocissimi, quorum ad curationem tritum maximè nocere Aristolochicorum usum, solamque methodum antiphlogisticam esse adhibendam ultrò confitebitur ille, qui morbos omnes ab his prioribus suppressis lochiis oriundos, verè inflammatorios esse cognoscet.

VARIA porro accidentia, quibus præbet natales priorum lo-
chiorum suppressio, inflammationis adconaturam redolent,
ejusque speciem ita dilucidè exprimunt, ut mirari subeat Me-
dicos plerosque hanc prætermisisse totosque in eo fuisse ut in-
tempeltivo calidorum usu desideratam revocarent evacuationem;
nullus etenim, nisi in rebus medicis planè hospes, nescit excre-
mentitios humores suis in conceptaculis præter naturam reten-
tos inflammationem nunquam non concitare: sic mammarum
ductibus hærente lacte, tument extrà modum illæ, rubent, acu-
to dolore afficiuntur, ac nonnunquam in suppurationem abeunt:
sic Hepatitidem sæpè sæpius producit impedita quavis de causâ
bilis excretio, sic Nephritidi solemne est originem ducere ab uri-
nâ in secretoriis renum canalibus impeditâ. Quid plura? Nisi pro-
hiberet instituti operis ratio rem innumeris comprobare exemplis
facillimum foret. Nunc verò si cæterorum humorum congelitio
inflammationem sæpè sæpius excitare valet, quid, cedo: ex
ipsiusmet excernendi sanguinis coacervatione eveniet? Nonne,
cùm à recto deflestit tramite, huic creando morbo aptus magis
natus est sanguis quàm alii corporis nostri liquores? Nonne in
praxi quotidie observare datur menstruas mulierum purgationes,
si subito cohibeantur, phlogosim in uterum inducere. At quod
innuere tantum valent allegata rationum momenta, illud idem
suadet causarum morbi dilucidatio; illæ namquè omnes suam
exerunt actionem vel spasnum fibræ conciliando, vel humores
densando haudque meabiles efficiendo, vel tandem utrumque
simul producendo: porro talia præstare inflammationi ansam præ-
bere est. Has a .tem inter causas primas tenent vehementia animi
pathemata, ut subitaneus terror, dolorve acutus, aut exultans
præter modum lætitia, aliave id genus, quibus singulis patet spi-
rituum inordinatos excitari motus, universum gravi succussione
agi nervorum systema & cunctis proinde fibræ nimiam induci ten-
sionem, erethismum conciliari, hinc ergò fieri ut toto in corpore
vasa spasmodicè constringantur, excernendis humoribus ponan-
tur obices, atque idèò suo in tramite retardentur illi, demum sis-
tantur omninò, congerantur, tubulorum tunicas distendant, tu-
morem efforment, dolorem accersant; calorem concitent, verbo
inflammationem producant. Eadem efficit etiam calor immodicus
quocumque modò excitetur in corpore; atque èd citius certius-
que hunc edit ille effectum, quod dum in fibrillas agit, eisque
morbosam impertitur tensionem, humores simul densat ac proin-
dè congestioni aptiores reddit, quatenus scilicet subtiliores eorum

à quibus pendet fluiditas, consumit & dissipat particulas. Modò non multum absimili vim exercent suam adstringentia cum, (ut suus post partum ventri mammisque servetur honos) incautè applicantur extùs, imprudentiusve intùs suscipiuntur: non equidem avolare faciunt tenuem, quâ sanguis solvitùr, lympham, sed hanc vi propriâ reddunt spissiore eique consequenter moras necrunt. Denique quantum in sistendis mulierum menstruis purgationibus valet frigus, tantum illud in suppressendis lochiis posse quotidiana evincit experientia; at quid inflammationibus suscitandis frigore potentius sic & expeditum magis? His forsàn non absrè videbitur addere; nos nonnunquam prima observasse suppressa Lochia propter nimiam uteri compressionem, fortius nempe, post exclusum fœtum, perperam institutâ deligatione abdomine constricto; quisnam autem in viscere multo sanguine turgido sit hujus compressionis effectus nemo non videt. Itaque perfectis præcipuis lochiorum suppressorum causis, liquidò, ni fallor, constat eas omnes gignendæ inflammationi idoneas esse quam maximè. Nec est quod objicias post partum aliâ adhuc de causâ uteri evacuationes non nunquam sisti, nimia scilicet alio in loco factâ excretionè, ut immoderato, v. g. alvi fluxu. At velim animadvertas rarò admodum causam hanc in prioribus sistendis lochiis, frequenter verò in secundariis suppressendis locum obtinere. Perpendendum insuper sensim sine sensu, non autem brevi temporis intervallo & quasi subito illam agere; quo fit ut plerumque lochiorum vices gerat superveniens excretio. Sicque nullus nascitur morbus, aut si quis datur, non ille in cohibito uterino fluxu, sed in excretionè de novo accidente ponitur.

III.

ETSI ad dignoscendum tutoque determinandum morbi genium ea sufficere posse videantur, quæ nos huc usque docuit causarum ejusdem sedula exploratio: nè tamen ullus deinceps dubitandi subeat locus, illa confirmare juvat attentâ accidentium, quibus morbus stipatur, contemplatione; itaque cum puerperam invadit ille, id est, cum fluere prima desinunt Lochia, subitaneus ingruit horror, quem febris excipit acutissima, sævienti exercitura suam donec pristinus redintegretur per muliebria cruoris effluxus; altera ve arte aut naturâ cietur evacuatio, quæ ipsum supplere, valeat: dum autem febris istius igne agrotans exandescit mulier, lumborum capitisque immuni exercuitur dolore, dirâ torquetur siti, ac ingenti jactatur anxietate: huic sicca in cute deurens deprehenditur calor: huic scintillantes vividius micant oculi: huic atrè rubent genæ; interea si pulsam explores

hunc iusto frequentiore, durumque maximè invenies; his porro rerum in angustiis, præsentem nisi citò afferat opem ars salutaris, horrendis cum torminibus ventrem videas in gravissimum tumorem attolli, adeòque distenditur ille sæpius, ut nec medentis explorantem manum perferre, nequè aliquandò stragulorum pondus sustinere, queat sine vehementi doloris exacerbatione; pauca eaque cruda tunc temporis stillat urina, aut excrebitur nulla; diaphragmatis actionem cum lædat tumefactus venter, inde fit ut parva, difficilisque sit respiratio: his tandem, procedente morbo, comites se præbent delirium, convulsio, cordis palpitatio, uteri suffocatio, & syncope: quibus mors prænuntiatur proxima; at quorsum hæc? Ut scilicet agnoscas, quæ in medium adduximus, ea propria ac genuina vivida inflammationis esse symptomata; illam præsentem arguere, atque rectè adpò exprimere, ut nulla dentur alia, quibus morbum hunc medicis dignoscere liceat; sic enim nascitur inflammatorum genus omne, eo incedit gressu, nec tandem aliter terminum accipit, quàm cessat; & desinit succedens lochijs suppressis abdominalis tumor; enim verò inflammationi finem imponit vel resolutio, vel suppuration, vel gangræna; triplici quoque hoc modo laudatum morbum nunquam non terminari ab omni ævo observarunt Practici: nostro autem in casu, sicut in cæteris affectibus inflammatoriis, naturam primâ laudabiliorque viâ se à malo liberatutam spondet febris aliorumque symptomatum successiva remissio; imminentem verò præsagium suppurationem post breves dolosasque inducias, febris nec non doloris recrudescencia, cum vago atque fugaci horrore; &c. Gangrænam tandem serpere, monent pulsus intermittentis exilis, fœtor oris, cadaverosa facies, lypothymia frequens, quorum præcessit adventum subitanea ac sine causa facta accidentium præcipueque doloris cessatio. Tot tantaque temeritatum momenta assensumque rapiunt: quæris tamen nûm memoratis contrarium quid indicent secta demortuarum cadavera? Minimè gentium. Plurima cultro anatomico subicere contingit, in plerisque uterum vidimus sub atro colore tinctum, tumidum ac partim gangrænodeum, partim gravi inflammatione affectum, nec melius se habebant vicina partes; his ut habitus exterior idem, sic & similis affectio in quibusdam, sed numero paucissimis, collectam circa uterum, infimâ in pelvi, aliqualem purulenti ichoris copiam deprehendimus, visceribus ut supra phlogosi laborantibus: vitam denique primis à partu diebus idèò cum morte commutare mulieres, quod ventris interiora corripit gangræna, evincit toties ab ipsâ mer plebe notata corporum citis

lima corruptio, horrendaque putrefactio, quibus illa terræ oculus mandare cogimur.

I V.

SI quid in arte nostrâ tanquam verum & inconcussum spectari potest, illuc. certè quod huc usque profecuti sumus, morbos nempe à cohibitis prioribus Lochiis oriundos verè inflammatorios esse; undè colligendum necessariò venit sola in his curandis usurpanda esse Antiphlogistica. Nec enim ad sanandas inflammationes ceteras ab humorum excernendorum retentione ortas alia in usum vocant melioris notæ Practici; & certè culpandus ille foret qui Nephritidis, exempli causâ, curationem propinatis calidioribus Diureticis auspicaretur: ille namque scopum attingeret minimè: istis inflammationem adaugeret atque novos urinæ expulsiõni poneret obices, nedum præsentis tolleret: & idèò sanguinis missionebus repetitis, poru, balneis, laxantibus atque demulcentibus omnigenis hanc debellare omni ope atque operâ satagunt; apprimè gnari optimum certissimumque in inflammationis remissione positum esse Diureticum; in eâdem quoque nostro in casu constitutum est unicum tutissimumque medicamen Aristolochicum: itaque tota in eo incumbat medentis cura ut vasis inductam tollat crispaturam, erethismum sedet, quibus peractis brevi per laxata uterinorum vasculorum ostia sponte manabit cruor, conveniens redintegrabitur excretio, aut saltem morbus, à quo maximè imminet periculi, terminabitur; age ergo, largâque manu sanguinem mittere ne dubites: id enim exinde non tantum percipies emolumenti, quod enarrata præstare continget, sed quod etiam redundantem, propter sublatam evacuationem, sanguinis copiam ac strages undique minantem, hâc ratione subducere valebis: potus sit interea copiosus, tenuis, atque demulcens, frequentia eaque minimè acria injiciantur enemata; emollientibus foveatur infimus venter, foveantur & genitalia. . . At gravem de sanguinis missione potiùs è saphenâ quam è brachio celebrandâ, moveri aiunt controversiam, quam quidem paucissimis dirimendam suscipimus: enimverò primis morbi temporibus sanguinem præstat è brachio fundere, atque ad phlebotomiam in inferioribus institutam tunc solummodo confugere licet, cum in brachio secta jam pluries fuerit vena: nam cum in abdomine desævît inflammatio, sanguinem ad inferiora derivare perindè foret ac irruenti morbo calcar admovere. Numquid igitur antiphlogisticis ita per totum morbi decursum insistendum, ut ulla alterius generis locum obtinere nequeant medicamina? Absit ut ex dictis tale quid senscas deducendum; cum etenim fracta semel fuerit morbi violentia, fuerint etiam depleta ut decet, atque laxata vasa, tunc tardigrado san-

guini morasque in utero nectenti ut, momentum adjiciatur, quo excitatus ille circuitum possit renovare, nil vetat, imò suadent ratio & faustus frequenque rerum usus: quin & felicissimo cum successu temperatum tunc temporis propinare emeticum non unâ vice mihi contigit.

V.

PONDERATIS ergò mox in medium prolatis rationum momentum, jam cognoscere potest unusquisque quàm graviter hallucinentur illi, qui posthabitis, quæ laudavimus, auxiliis, omne se tulisse punctum in tractandis supra enarratis affectibus sibi fingunt, cum plenâ manu elixiria, tincturas totamque Emmenagogorum farraginem propinarunt. O præjudicatis opinionibus obcecatis homines! Qui non vident hanc, quam revocare student evacuationem talibus magis impediri fortiusque cohiberi; quando quidem istis vires inflammationi adduntur; enim verò remedium, rectius dicam, venenorum istorum vi fibrarum adedò spasmus intenditur, ut ulterioris distractionis impotentes illæ omninò tandem rumpantur, hincque eveniat ut impere factò extrâ vasa prorumpant liquores, per cellularem contextum confusè rapiantur ac disseminentur, hic loci coeant, brevi alterationem patiantur, putrescant; vicina contagio afficiant, gangrænam tandem mortemque accersant; dicam enim quod res est; ab hac præposterè adhibitâ methodo repetenda potissimum veniunt numerosa adedò puerperarum funera: certè, ut in aliis benè multis casibus, sic in istis satius multò foret integram rem naturæ committere, quàm inconcinnâ agendi ratione illam à scopo divertere; plurimas namque salvas incolumesque præstaret feminas naturæ solius vis & actio, dum ad orci fauces trudit contrâ ferè omnes malè institutus minimèque temperatus Pharmacorum usus. Non disfitendum tamen infauftum adedò exitum non ità sæpè morbos, de quibus egimus, experturos, si soli ad opem ægrotantis puerperis ferendam advocarentur Medici: illi namque artis dogmatum probè gnari, & genuinam morbi naturam assequi & ejus ferocitatem idoneis debellare remediis apprimè callent: nec optimos inter Collegas defunt, qui felicissimâ praxi eam stabiliunt medendi normam, quam legitimam invictis probavimus argumentis, verùm nostrâ potissimum in Galliâ, ubi ad ostentationem & pompam potius quàm ad usum civiumque obligationem sapientiores, quæ præsertim Medicinam spectant, leges conditas diceres, ignavâ obstericantium turbâ ab ægrotantium puerperarum cubiculis vel omninò arcentur Medici, vel postquàm in administrandis inanibus remediis, venenisve propinandis tempus trivit muliercularum garrula gens, auxiliatricem ut nihil moribundis operam conferant

accerfuntur roganturque; non enim phārmaca quævis dare foli audent Chirurgi, Pharmacopolæ, Monachi, &c. Sed & obſtetrices ipſæmet, quamvis litterulas à pueritiâ vix didicerint, nihilominus tamengravidarum, parturientium atque puerperarum morbos curare, ſui eſſe juris autumant & tractandos reipſâ ſibi aſſumunt per mortes experimentâ facturæ; tantis medelâ malis non ab aliis fortè quàm ab ipſiſmet medicis ſpectanda venit; ità enim ſunt homines comparati, ut apud illos nullus extiterit rerum abuſus vel enormis quàm maximè, qui cum longâ conſecratus fuerit annorum ſerie, rationi apprimè conſentire non videatur ac pro legitimâ agendi normâ tandem non habeatur: rem igitur reſtituerent noſtrates Medici, ſi ſibi propoſerent imitandos Angliæ & Bataviæ Doctores, qui Ruſſchii, Deventeri, Douglaſſii veſtigia prementes, exercendâ obſtetriciæ arti opëram navare non crubeſcunt; quod plures etenim inter ſe diverſi in arte qualibet exiſtunt miniſtri, eo deterius artem exerceri certiffimum eſt. Imperatorum ducumque ſervi pediſſequi, commeatuum ductores, opifices, impedimenta exercitus olim dicti fuère: ego verò obſtetrices, herbarios, &c. Medicorum impedimenta dico, quibus ut illi, ſi ſapiunt, cum bonis reipublicæ rebus, ſeſe tandem liberent futurum ſpero & ex prælibatis concludo.

Ergò in curandis affectibus, qui puerperarum ſuppreſſis prioribus Lochiis ſuperveniunt ſola Antiſtrophica.

DOMINI DOCTORES DISPUTATURI.

M. NICOLAUS JEANROY,
Regii Medicorum Nan-
ceianorum Collegii Socius
Honorarius.

M. AUGUSTINUS ROUX,
Regiæ Societatis Rei Agraria;
necnon Regiæ Scientiarum
Academiæ Burdigalenſis ſocius.

M. ACHILLES - GUILLE-
MUS LE BEGUE DE
PRESLE, Eques & Cenſor
Regius.

M. CÆSAR COSTE, Cenſor
Regius.

M. PETRUS - JOANNES
CQAUDIUS MAUDUYT
DE LA VARENNE.

M. STEPHANUS D'HU-
AUME Scholarum profeſſor.

M. JACOBUS VERDEL-
HAN DES MOLLES, ſe-
reniſſimi Principis Conditi,
Conſiliarius Medicus.

M. CAROLUS - LUCOVICUS
LIGER.

M. JOANNES - STEPHA-
NUS GUETTARD, Re-
giarum Academiarum pa-
riſienſis, Rupellenſis, Flo-
rentinæ & ſtokolmienſis
ſocius, Cenſor Regius &
Hiſtoria Naturalis Mu-
zæi ſ. Ducis Aurelianen-
ſium Cuſtos.

Proponerebat Pariſiis, BARTHOLOMEUS - PETRUS DELANOUË, Pariſinus, Eques, in ſupremo Senatu Pariſienſi Patronus, nec-non Saluberrimæ Facultatis Medicinæ Pariſienſis Baccalaureus, A. R. S. H. 1769, à ſextâ ad meridiem.